



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU POLITIČKE STRANKE **POKRET ZA GRAD ZENICU – ZENICA KAKVA BI TREBALA BITI**

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2.PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja političke stranke Pokret za Grad Zenicu – Zenica kakva bi trebala biti za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je politička stranka Pokret za Grad Zenicu – Zenica kakva bi trebala biti prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja političke stranke Pokret za Grad Zenicu – Zenica kakva bi trebala biti za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2019. godinu, politička stranka Pokret za Grad Zenicu – Zenica kakva bi trebala biti se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	300,00	100,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	300,00	100,00
II	Ostali prihodi i drugo	0,00	0,00
	Izvori finansiranja (I+II)	300,00	100,00

U godišnjem finansijskom izvještaju za 2019. godinu stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke: Pokret za Grad Zenicu – Zenica kakva bi trebala biti. Skraćeni naziv: Pokret.

Politička stranka Pokret za Grad Zenicu – Zenica kakva bi trebala biti registrovana je kod Općinskog suda u Zenici, rješenjem broj: 043 19 F1 000001 od 03.09.2019. godine.

Sjedište političke stranke je u Zenici, Islambegović put 2C/III.

Lice ovlašteno za zastupanje stranke je prof.dr.sc.Muhamed Pojskić, predsjednik.

Prema podacima iz godišnjeg finansijskog izvještaja za 2019. godinu, politička stranka Pokret za Grad Zenicu – Zenica kakva bi trebala biti nema niže organizacione dijelove stranke.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj političke stranke Pokret za Grad Zenicu – Zenica kakva bi trebala biti za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao

izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja političke stranke Pokret za Grad Zenicu – Zenica kakva bi trebala biti obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja obavlja se prvi put.

5. NALAZI I PREPORUKE

5.1. NALAZI

Politička stranka Pokret za Grad Zenicu – Zenica kakva bi trebala biti prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Politička stranka Pokret za Grad Zenicu – Zenica kakva bi trebala biti nije vodila poslovne knjige i obrasce godišnjeg finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Pregledom godišnjeg finansijskog izvještaja, utvrđeno je da stranka nije vodila poslovne knjige i nije podnijela godišnji obračun (završni račun) za 2019. godinu nadležnoj instituciji, Finansijsko-informatičkoj agenciji¹, čime je prekršila odredbe člana 11. stav (1)² i člana 12. stav (1) Zakona o finansiranju političkih stranaka.
- (2) Stranka u obrascu 1 finansijskog izvještaja (opšti podaci o političkoj stranci) nije navela podatke o ovlaštenom licu za finansijske izvještaje stranke, čime je prekršila odredbe člana 9. Pravilnika. Stranka je dana 01.04.2020. godine Centralnoj izbornoj komisiji Bosne i Hercegovine dostavila odluku o imenovanju ovlaštene osobe za vođenje poslovnih knjiga i finansijskih izvještaja³ koja stupa na snagu danom donošenja.
- (3) U obrascu 2 finansijskog izvještaja (pregled prometa svih transakcijskih računa političke stranke) stranka je iskazala pogrešan promet po transakcijskom računu stranke, čime je prekršila odredbe člana 11. Pravilnika.

U finansijskom izvještaju stranka je prijavila sljedeći promet po transakcijskom računu: promet ulaza u iznosu od 300,00 KM, promet izlaza u iznosu od 130,00 KM i saldo na dan 31.12.2019. godine u iznosu od 170,00 KM, dok je kontrolom izvoda sa transakcijskog računa broj: 1995130046985742 kod Sparkasse banke utvrđen sljedeći promet: promet ulaza u iznosu od 300,00 KM, promet izlaza u iznosu od 103,00 KM i saldo na dan 31.12.2019. godine u iznosu od 197,00 KM.

¹ Na Zahtjev Centralne izborne komisije BiH stranci u kojem je traženo da dostavi Bruto bilans stranke na dan 31.12.2019. godine, dokumentaciju o korištenju poslovnog prostora, glavnu knjigu sa analitičkim evidencijama, kopiju završnog računa, kopije izvoda sa transakcijskih računa Sparkasse banke, stranka je dostavila samo izvode i informaciju o poslovnim prostorima. Takođe, stranka je tek u 2020. godini imenovala lice zaduženo za vođenje poslovnih knjiga i finansijskih izvještaja stranke.

² Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

³ Odluka broj: 02-09-19-PR-3/2020 od 01.04.2020. godine.

(4) Stranka u obrascima 4. (rashodi političke stranke) i 4.1 (režijsko-administrativni i ostali toškovi) nije iskazala troškove koje je imala u 2019. godini, čime je prekršila odredbe člana 21. i člana 22. Pravilnika.

Politička stranka nije u godišnjem finansijskom izvještaju iskazala troškove, dok je prema podacima sa izvoda, u periodu 01.01.-31.12.2019. godine ostvarila troškove u iznosu od 103,00 KM.

Kontrolom prometa izvoda sa transakcijskog računa broj: 1995130046985742 kod Sparkasse banke, utvrđeno je da je stranka u 2019. godini izvršila uplatu novčanih sredstava na račun Kantona Sarajevo za DMS u iznosu od 80,00 KM i ostvarila troškove platnog prometa po osnovu bankarskih provizija u iznosu od 23,00 KM.

5.2.PREPORUKE

Preporučuje se političkoj stranci Pokret za Grad Zenicu – Zenica kakva bi trebala biti da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi poslovne knjige i podnosi finansijske izvještaje na način koji je utvrđen Zakonom o računovodstvu i reviziji FBiH, odnosno da uspostavi evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

Pokret za Grad Zenicu – Zenica kakva bi trebala biti nije se očitovao na nalaze i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove

Sanja Tošović

Revizor

Veliborka Kenjić

Šef Službe za reviziju

Mr.sc Hasida Gušić